

Hæc de Roma pro loci angustia sufficiant : qua versus Meridionaliora egresso sese offert *Offia* Latinis, ut & Græcis. Gravioris est Cœli & pestilentis Aeris. Ager Pepones fert copiose. *Offia* reliquis, reliqua Latii Opida præcipua quæ mari fere adfident, pervagabor. *Neptunium* agro fertilior situm est : Cives Aucupio & Piscationi vacant, hodie pertinet ad *Columnenses*. *Astura* Plinio quidem Flumen cum Insula cognomine: Tabulæ vero Itinerariæ, Opidum, quod forte fuit vel ad flumen in Continente, vel in Insula. Locus hic memorabilis cum indignissima M. Tullii Ciceronis, Antonium fugientis cæde; tum Corradini fato Henrici F. Friderici 11 Imperat. N. quem Carolus Eculismensis securi percussit. *Taracina* vel *Terracina*, *Taracina* Straboni : *Tarracina* Ptol: *Tarracine* Steph: *Terracina* apud Antoninum, Volscorum lingua *Anxur* vocabatur. Opidum est exiguum, sed frequens & honestum. Muri ex quadrato silice absque cemento facti. Ager ejus fecundissimus est & amœnissimus, Vitibus, Aurantiis, Citris, Limonibus, aliisque id genus Arboribus abundans. *Caieta*, *Caiata* Strab. Hodie *Gaietta*, Vrbs est munita cum primis: Arcem habens invictissimam, cum Turri altissima, Summo in Monte, quæ superioribus annis, Gallis profligatis, muro cinxit Ferdinandus, Aragonum & Neapolitanorum Monarcha. *Sinus* ad Urbem *Caietanum* audit, apud Strabonem. Portum ibi fuisse celeberrimum, amplissime ab Antonino Pio resectum, refert Spartianus. Hodie nullus est. Mediterranea Latii loca perlustranti offerunt se *Velutæ*, Straboni *Belitra* Steph. vulgo *Belitro*, vel ut alii scribunt, *Belletri*. Opidum vetustissimum Volscorum, amplum & populo satis frequens, Episcopatus fulgens dignitate. Venustissimi situs, jucundissimi prospectus. Mœnibus undique cinctum. *Alba* Latinis, *Alba* item Græcis. *Longam* cognominant Veteres Scriptores, ab Situ. Hodie *Savello*, si Leandro fides: si aliis, *Gandolffi*, vel *S. Gandolffo*. Conditor ejus *Ascanius* *Æneæ* Filius, xxx post ædificatum Lavinium anno. Hodie plane desolata jacet. Nunc Septentrionaliora Latii per viam Valeriam Tiburtinamque peragremus. Hic primo se offert loco *Tibur*, Ptol. *Tibura* Strab. *Tivoli* hodie. Vrbs ad Anienem fl. Roma distans CL Stadiis, Procopio. Cælo est temperatissimo: locoque ob Aquarum Fontiumque copiam saluberrimo. Episcopatus Titulo est nobile. *Maruvium* ad Fucinum Lacum, Marforum olim Caput, exiguus nunc se prodit, vestigiis; quæ *Marvo* vulgo, nominant. *Alba* Latinis, ut & St. *Albam* hanc, quod in penitralibus regionis sita, & permunita undique esset, tradit Strabo. Romanos iis, qui custodiendi erant tamquam carcerem assignare, consuevisse. Ruinis nunc tota fere collapsa jacet. *Præneste*. *Prænestus* Strab, *Prænestum* Ptol. hodie *Pilastrina*. Situsejus in declivi Monte ad Venetrim fl. olim longe fuit & amœnissimus; & jucundissimus; ideoque florent Re Romana frequenter Imperatores Augusti hac animi gratia secessisse leguntur. Arx summo Mōti in quo conditum, imposita est. Episcopatus hodie gaudet dignitate. *Tusculum* multis olim nominibus insigne, quod haud procul ab *Frascati*, abfuisse censet ex ruderibus, quæ hodieque visuntur, Viridolæ. Plura sunt hujus Nobilissimæ Partis Italiæ Opida, quæ brevitatis studio omittimus. Sunt & Latio Lacus.